



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Bonis Operibus Docto. Martini Lutheri Liber

Luther, Martin

Vuittemberge, 1521

VD16 L 7151

Pio Lectori S. D. Paraphrastes.

urn:nbn:de:hbz:466:1-33333

PHILIPPVS MELANCH-
THON PIO LECTO-
TORI S.

¶ Quisquis est, qui hunc Lutheri cōmentariū de bonis operibus in sermonem latinum conuertit, ne ille mihi rem videatur vilem & piam fecisse. Nam si linguis omnibus ac gentibus communis est Christus, cur non in omnium linguas illius Euangelium transfundatur: quod hoc libello, vt alias sincerissime docet Lutherus, cum quæ boni operis conditio & natura sit, aperit. Quia in re, ne dici quidem potest, vt fallant fallanturq; mendaces quidam spiritus, qui adulterato verbo dei, p pietate impietatem, pro bonis operibus hypocrisin docuere. Exiges ergo nō illorum tantū traditiones, sed & vniuersam vitam tuam, ad hanc a Lutero prescriptam regulam, non aliter atq; ad Lydium lapidem, aurum solet. Et quanq; immenso intervallo dissident pietas & hypocrisis tamen adeo obscurum discrimen est, vt & spiritualibus nonnūq; imponat superstitio. Quo accuratius hec tibi velut hypographa pietates cognoscenda, versanda, & redigenda est iterum atq; iterū, quæ totius vitæ tuæ cursum regat. Interim bene precabere Lutero, & Euangelio eius, vt & confitemer deus, quod per eum operatus est, & disperdat omnia labia loquentia mendaciū. Romanensem fecem puto, & Sophistæ. Vale in Christo. ANNO, M.D.XXI.

PIO LECTORI S. D.
PARAPHRAS-
TES.

¶ Multo, & dignior, & salubrior est hic libellus, quā vt finibus linguæ nostræ vernaculæ, hoc est, germanicæ, in qua natus est, cohibitus, non sit & in alias multas transponendus linguas, pro publica totius Christiani orbis salute. Habes igitur & si vtcunq; in linguam latinam versum, tamē vnde cunq; auctoris sui Christianissimi illius Doctoris Theologiæ Martini Lutheri, tum eruditionem, tum mores referentem. Peream, n. nisi iuraueris, hæc legens, deesse & aures, & oculos, & nares, nedum iudicium, quis cunq; tantum virum, haud dubie diuinitus huic seculo, velut alterum Danielem datum, tot diris deuouent, tot conuictis sugillant. Nam si hæc sunt hæretica, quid obsecro sit Christianū? Bene vale in domino: & nihil prius, nihil antiquius pura Christi Theologia habe. M. D. XX.